

Mae llwyddiant yn dechrau gyda phresenoldeb rhagorol yn yr ysgol

Mae annog presenoldeb rheolaidd yn yr ysgol yn un o'r ffyrdd mwyaf pwerus y gallwch chi gefnogi a pharatoi'ch plentyn ar gyfer llwyddiant yn yr ysgol ac mewn bywyd. Pan fyddwch chi'n gwneud presenoldeb yn yr ysgol yn flaenoriaeth rydych chi'n helpu'ch plentyn i sicrhau canlyniadau gwell a datblygu arferion bywyd iach.

Mae Llywodraeth Cymru a Sir Gâr yn disgwyl i bob disgybl fynychu'r ysgol o leiaf 95% o'r amser. Pan fydd plant a phobl ifanc yn absennol o'r ysgol, gall effeithio ar eu deilliannau. Os nad yw plant yn yr ysgol y tebygrwydd yw nad ydynt yn dysgu. Mae disgyblion sy'n mynychu'r ysgol yn rheolaidd yn teimlo cysylltiad gwell gyda'u cymuned, yn datblygu sgiliau cymdeithasol a chyfeillgarwch pwysig, yn sylweddol fwy tebygol o adael yr ysgol gyda chanlyniadau da a gosod seiliau da ar gyfer dyfodol cadarn.

Mae presenoldeb rheolaidd yn yr ysgol felly'n hanfodol a gall colli ysgol gael effaith sylweddol ar gyflawniad dros gyfnod o flwyddyn fel y dangosir isod:

Presenoldeb 95-100%	Siawns orau o lwyddiant	Mae'ch plentyn yn manteisio i'r eithaf ar bob cyfle i ddysgu.
Presenoldeb 90-95%	O leiaf 2 wythnos o ddysgu wedi ei gollu	Bodhaol. Efallai y bydd yn rhaid i'ch plentyn dreulio amser yn dal i fyny â'r gwaith.
Presenoldeb 85-90%	O leiaf 4 wythnos o ddysgu wedi ei gollu	Efallai y bydd eich plentyn mewn perygl o dangyflawni ac efallai y bydd angen cymorth ychwanegol i ddal i fyny â'r gwaith.
Presenoldeb 80-85%	O leiaf 5½ wythnos o ddysgu wedi ei gollu	Mae presenoldeb gwael eich plentyn yn cael effaith sylweddol ar ei (d)dysgu.
Presenoldeb o dan 80%	O leiaf 7½ wythnos o ddysgu wedi ei gollu	Mae'ch plentyn yn colli allan ar addysg eang a chytbwys. Rydych mewn perygl o gael eich erlyn.

GARETH MORGANS B Ed. M. Sc

Cyfarwyddwr Addysg a Gwasanaethau Plant
Adran Addysg a Phlant, Adeilad 2, Parc Dewi Sant,
Heol Ffynnon Job, Caerfyrddin, Sir Gaerfyrddin. SA31 3HB
Director of Education and Children's Services
Department for Education and Children,
Building 2, St. David's Park, Jobs Well Road,
Carmarthen, Carmarthenshire. SA31 3HB

Mae Cyngor Sir Caerfyrddin yn croesawu gohebiaeth yn Gymraeg neu yn Saesneg
Carmarthenshire County Council welcomes correspondence in Welsh or English



BUDDSODDWYR | INVESTORS
MEWN POBL | IN PEOPLE

Felly, ni ellir tan-ddatgan pwysigrwydd presenoldeb yn yr ysgol. Mae mynychu'r ysgol yn rheolaidd yn rhoi cyfle i sicrhau cyfeillgarwch parhaol, sgiliau cymdeithasol pwysig, cyfleoedd, dewisiadau a phrofiadau.

Eich cyfrifoldeb chi fel rhiant/gofalwr yw sicrhau bod eich plentyn yn mynychu'r ysgol. Fel rhiant/gofalwr gallwch chi, gan gymryd y camau canlynol, wneud llawer iawn i gefnogi presenoldeb rheolaidd a phrydlon eich plentyn yn yr ysgol:

- Dechreuwch arferion da yn gynnar gan gyrraedd ar amser a chadw at reolau'r ysgol
- Rhoi gwybod i'r ysgol ar ddiwrnod cyntaf unrhyw salwch neu absenoldeb, gan ddarparu tystiolaeth feddygol lle bo hynny'n briodol
- Gwnewch hi'n glir nad ydych yn cymeradwyo presenoldeb gwael, bod yn hwyr neu driwantiaeth.
- Sicrhewch mai dim ond am resymau a ganiateir yn gyfreithiol, fel salwch neu ddiwrnodau a neilltuwyd yn benodol ar gyfer dathliadau crefyddol, y bydd eich plentyn yn colli'r ysgol.
- Anfonwch nodyn bob amser i egluro absenoldeb.
- Ceisiwch osgoi trefnu gwyliau teulu yn ystod y tymor ysgol.
- Mynychwch nosweithiau rhieni a digwyddiadau eraill yn yr ysgol.
- Darllenwch bob llythyr y mae eich plentyn yn dod ag ef adref o'r ysgol.
- Siaradwch â'r ysgol am unrhyw broblemau neu anawsterau yr ydych yn eu cael.
- Cefnogwch yr ysgol i annog ymddygiad da.
- Cymrwch ddiddordeb yng ngwaith ysgol a gwaith cartref eich plentyn.

Er mwyn cefnogi presenoldeb rheolaidd yn yr ysgol rydym wedi cynghori Penaethiaid i beidio ag awdurdodi apwyntiadau arferol yn ystod y tymor ysgol. Rydym hefyd wedi gofyn iddynt ystyried pob cais am wyliau yn drylwyr ac yn gyson. Felly, hoffwn gael eich cydweithrediad i sicrhau eich bod yn cefnogi presenoldeb eich plentyn yn yr ysgol ac **nad ydych** yn trefnu gwyliau teulu nac apwyntiadau arferol yn ystod y tymor.

Os ydych yn mynnu mynd â'ch plentyn allan o'r ysgol ar gyfer gweithgareddau anawdurdodedig mae'n ofynnol i'r awdurdod lleol ystyried mesurau cyfreithiol o dan Ddeddf Addysg 1996 ac efallai y byddwch yn cael dirwy neu'n cael eich erlyn. Nid ydym am orfod troi at gamau gorfodi yn y mater hwn ond mae gennym gyfrifoldeb tuag at blant a phobl ifanc y mae'n rhaid i ni ei gyflawni os bydd yr angen yn codi. Rwy'n mawr obeithio y gellir osgoi hyn trwy weithio gyda'n gilydd er budd ein plant.

Rydym ni yng Nghyngor Sir Caerfyrddin, mewn partneriaeth â'n hysgolion, wedi ymrwymo'n llwyr i sicrhau bod pob plentyn yn derbyn yr addysg orau posibl ac yn cael cefnogaeth i gyflawni ei lawn botensial.

Rwy'n mawr obeithio y gellir cyflawni hyn trwy weithio gyda'n gilydd er budd ein plant.

Yn ddiffuant,



E.D. Gareth Morgans. Cyfarwyddwr Addysg a Gwasanaethau Plant